

寶坻縣志新修職銜姓氏

纂修

知縣事今陞磁州知州加三級癸卯進士洪肇楙

江南歙縣人儀徵籍

協理

教諭加 級壬子舉人

魏子密

直隸南樂人

訓導候陞國子監典簿廩貢生賈念祖

直隸故城人

主簿加 級監生

鍾秉惠

浙江蕭山人

新任典史加 級監生

管鴻磐

江南武進人

分輯

內廷教習甲子副貢

蔡寅斗

江南江陰人

校閱

廩監生

鍾文標

江南寶山人

考授主簿

周上林

浙江上虞人

候選經歷

賀豐

紹興武清籍人

董局

原任浙江分巡溫處道己丑進士芮復傳

邑人

候選州同知

王斌

邑人

候選州同知

王燧

邑人

候選府同知

王詢 邑人

候選提舉

王嵩年 邑人

恩蔭候補承德郎

杜廷芳 邑人

參采

生員

高廣 邑人

壬戌進士

單鑑 邑人

甲子舉人

崔鶴庚 邑人今入寧河

己酉拔貢

王嵩柱 邑人

通政司經歷

王錫齡 邑人

繪圖

吳澐 山陰人

朱燕 會稽人

胡瑞 山陰人

謄錄

潘燦 紹興人

吳思義 邑人

鳩工紳士及監造姓名另著卷末

凡例十二則

一曰識大志準乎史史卽天下之志志卽一方之史志之視史也差小要惟有關政體者是書寧得以小忽耶恭惟

皇清受命綜百代爲權衡革勝國之衰弊 畿輔內地實先天下而被其澤如奠井疆平賦役養官廉褒節義罷銀魚花石之供蘓剝船淺夫之困此邦人士所以樂樂利利者由

上之功德涵煦于百年之深也而自邇年來分新邑

國朝縣志卷六
攤地丁募營田與水利頃又奉

旨免天下明年租日下近光者益復宴然安和粲然
明盛自當稽首而恭紀之前志修于康熙十三
年閱今七十餘載矣卽

國初事亦多未備茲謹摭良法美意詳書各卷俾
萬世無疆之休卽于一邑乎覘之固志中第一
義哉

二曰原始前令伍公續志藁所據獨杜志耳要
不自杜志始也予購得明本二卷考其序知正

統間邑教諭高德屬草未定至弘治辛酉邑
令莊公禪乃校刊焉又歷嘉靖之丙寅而唐公
志出則此二卷者是但按書中亦間載萬歷初
一二條後附張公世則減省里甲事疑卽張公
時就原本增入諦視之刻痕猶宛然可辨也而
以方輿紀要薊邱雜抄日下舊聞諸書參之如
張瓚大覺寺趙鑄蘆臺聖母祠二記皆註云見
縣舊志而二卷中顧無之則此後必尙有志邑
中轉久失之耳夫志當創始時未暇深考經一

再修後當有卽所載而釐訂之者其書顧不傳
惜哉猶幸有二卷在故嘉靖以前事仍得据以
補焉不然旁註盡刪人名多削予雖日向殘碑
斷簡而搜剔之且茫然不得其間又奈之何哉
特于各卷標其出舊志者以明所自始亦祭川
先河之義云

三曰定式白龍門作史創爲本紀書表世家列
傳後世莫能復易者遵其式也史固尙之志亦
宜然顧自來諸志紛然不一每卷篇名或虛或

實叅錯並書不相聯屬有懼其混者乃至以一二頁爲一卷益非式矣今分十八卷卷列數項各拈二字以統之前有題後有論各項亦另爲標識自開卷迄終篇較若畫一爲綱爲目一覽了然

四曰分類比事屬詞春秋教也本不相類而強綴焉投金鐵于一爐和鉛粉于一器無乃將以合之適以紊之乎稱名取義大小重輕各歸于類類旣分而行文之體製亦稱是矣如職方欲

其博形勝欲其新建置欲其整祀典欲其嚴風
物欲其潔鄉閭賦役欲其剴以切職官選舉欲
其晰以該至志人物列女欲其有法也志拾遺
別錄欲其有韻也體雖一而用不同變化因心
亦各從其類耳

五曰依序卷帙旣編先後斯別非審其次第而
位置之不嫌于凌躐乎哉仰觀俯察以辨方位
職方固全志冠矣相其陰陽迺興版築則形勝
建置次之都邑旣立秩祭是崇則祀典次之于

焉定取民之制籌奠民之方求齊民之術故次
賦役次鄉閭次風物官師一方之表率也搢紳
四境之儀型也故次職官次選舉封墓表閭觀
瞻係焉故次封表人物所由風厲也乃次人物
以及列女而邑之可傳者具是矣雖然叢雜之
倫奇零之數亦不容漏也故次以拾遺別錄抑
利弊所關尤三致意焉爰以集說次之終藝文
則皆可與前卷相發明者也十八卷中脉絡相
承首尾相貫闕者宜以其序求之

六曰撮要要也者切也志雖準史然史通九域則概言之志舉一方則專言之專言之與概言自大有間矣舊志語焉而不詳擇焉而不精故無以著乎邑中之典要如星野但云箕尾之分風俗但云多感慨悲歌之士地理河渠不析其界飛潛動植不別其產以及傳循良而概云著有政績傳鄉賢而概云望重鄉評紀歷朝之制度而不覈其與他處絕殊者縱使敷衍纍纍皆泛耳况又漫無援据乎哉今爲審異于同復辨

同于異徵文考獻幾于汗牛充棟要皆切于本境非徒誇多鬪靡而已

七曰補闕夏五郭公一仍其舊者爲無徵耳若夫明有可徵其軼或時時見于他說而不急補焉是與于忽畧之甚者也豈闕文謂哉如舊志星野闕其度沿革闕其時闕山而名曰山川闕池而名曰城池祀典則闕其儀鄉閭則闕其數職官也而人闕選舉也而科闕名宦鄉賢也而事闕此而尙闕則無之非闕矣何以示典則備

考鏡乎爲采諸史集以補之非增其新祇還其舊耳

八曰訂訛志以傳信也非可信而傳會之或失則誣或失則鑿浮談不根徒爲識者笑耳且以似亂真以虛混實而千古不白之案從此滋矣舊志雖簡而訛者實多有古蹟訛者如以秦城爲唐太宗築淤泥河爲高開道失陷處羅將軍墓爲土信大覺寺鐘爲東海浮來類是也有姓名訛者如以李愿爲李愿忠黑廝彦明爲黑廝

彥蔡完者不花子以帖木兒爲官名僧洪源之
爲常在又爲常住黃冠劉元之爲元藝又爲藝
元類是也有職官訛者如列劉晞顏于縣令置
程彥明于柳青上混郭伯顏不花課不花爲一
人丁儒丁進之更互其職類是也有事實訛者
如劉英之言事罷官訛爲秩滿張奇勛之殉變
訛爲養志終身楊王氏張氏姑媳之與難守節
訛與凡撫孤者同辭崔國祚之孝行崔周田之
文學合于一傳又訛其兄弟爲父子類是也有

水道訛者如謂柳沽河在縣東南潮河發源于梨沟鮑邱三派及窩頭鮑邱水之出于通州香河縣類是也有年代訛者如以四鄉名爲起于弘治以剝船爲始于

國初及竈戶之不詳其所自來類是也其餘日月里居舛錯者更不可枚舉今皆一一釐正無俾仍誤覽者宜以舊志覆核則知單詞隻字俱非妄改云

九曰闡幽凡事與人之在耳目間者與爲摹繪

猶易耳或懷貞抱獨而湮沒弗彰是可悲也採
千秋之軼事發潛德之幽光君子于此尤用心
焉我

朝扶獎人倫敦崇名教明史旣出

欽定省志皆令進

呈是以忌諱胥捐纖微必錄恩及枯骨澤被遊魂洵
乎天覆地載之仁曠古未有也猶念僻壤窮鄉
表彰無力

諭有司採訪節孝據實以聞若修志而有遺是虛曠

寶城縣志
典而負

聖衷也爰採明史省志所收以備一方寶錄而近日
四鄉開報察核不誣者亦悉得附書焉

十曰存恕麟經筆削善善欲長史家宗焉忠厚
之道也况史備勸懲故善惡兼列志則止就一
邑之人物惟善是與有不必過從其刻者乎自
非大不類者置之可也且安知其怨家仇人汗
巖之辭不有從而甚之者耶至名宦原無幾人
特以有功德於此故謳思而尸祝之其平日所

爲于此固無與也若因一節而盡削焉懿好之
謂何雖論贊中不妨抑揚盡致要主于不沒其
真無使逝者抱痛于九京可耳至有身前赫赫
而名不掛于簡端者則業已外之矣又何嘗失
史家予奪法哉

十一曰折衷時代遙矣傳聞雜矣此亦一是非
彼亦一是非果且有定乎哉果且無定乎哉是
有待于折衷者惟稗官荒誕野諺鄙俚無足置
辨其見于史集碑記而互異者宜按其時考其

勢合其先後本末以深思而詳繹之有得一說

而衆說可廢者則專主焉

如秦城則從方輿紀要大覺寺鐘則從日

下舊聞劉英傳則從明大政紀

有合衆說而一說始明者則旁

通焉

如分野則廣引諸史以明周禮所云封之域皆有分星蠶桑則廣引諸集以明尚書

所云桑土既蠶蔡完者不花傳則廣引北征記紀事本末明史概以明其隨納哈出來歸本末

有兩說可並行不悖者則兼存焉

如莊公禘修城言期月者

定其規言期年者畢其制鮑邱窩頭兩河言發源則其道遠言疏濬則其境近

有因一

說而歷考其所以然者則追溯焉

如因監政而及五代遼金

元因圈撥而及明歷朝之王莊因剝船而由崇禎以溯諸承樂

有止一事再三

見而各系以說者則分引焉

如遼碑金鐘一見八景再見古蹟三

見寺觀

聖廟一見建置再見祀典潮河入門

城河一見山川再見河渠各視其所入之目而

註要必標其所自出不特舉我折衷者與人人

折衷之亦以先哲之緒言老成之卓見而矜為

已出是掠美也惡乎敢至所據書目甚繁具詳

與紳士第二書茲僅約舉數端不復臚列

十二曰集益國僑為命必由草創討論修飾以

收潤色之功何況于志即以涑水紫陽之賢而

通鑑綱目兩書猶資劉范蔡趙諸公之襄贊予

獨何人敢自用哉雖然予之集益則較廣矣起
仲春迄季秋凡八月而遂竣者局也起辛酉迄
乙丑歷五年而後舉者心也以舊志爲藍本以
二十一史爲總裁以諸名集爲提調以殘碑斷
簡爲採訪積日累歲藁乃成于是延同學芳三
蔡子曰夕商推一節必求其真一言必歸于典
蔡子曰是可以爲信史矣而西席鍾子上亭賀
子穎邨周子苑香力任校閱事析疑賞奇卽點
畫聲音俱再三詳審乃敢呈諸

大憲暨汪錢沈三公求鑒定焉俱荷獎借錫以弁
言經品題而價倍楸之榮也邑之幸也至于
京邸貽書往來質問爲楸購秘集訪名流者則
程黃門蔭學陳儀部敦來二君子之益實多其
協理董局則由同寅一心衆紳合力而高生暨
余及門單崔王諸子復爲叅采故能相與以有
成殆亦有數焉存乎其間耶

東園氏載書

寶坻縣志目錄

古歛桂林洪肇楸東闖甫輯

男煇全校字

職方卷之一

星野

星占

附○凡事系上項內而另見者附字書下後倣此

沿革

形勝卷之二

山川

疆域

八景附

建置卷之三

城池

學宮

縣治

祀典卷之四

文廟

壇壝

廟祠

賦役卷之五

戶口等則

田壤支解

鹽課

附驛站

凡事系另項而附列者附字書上後倣此

鄉間卷之六

里甲

村莊

市集

橋渡

附

巡邏

附

董勸

風物卷之七

風俗

歲時

附

物產

職官卷之八

縣令

佐貳

師儒

武備

附 駐防

選舉卷之九

甲科

鄉舉

貢薦

徵辟

武科

武辟舉

附 封蔭

附 鄉飲

封表卷之十

冢墓

坊表

附
祠堂

人物上卷之十一

名宦

鄉賢

人物下卷之十二

文學

政績

耆英

孝義

廉隅

流寓

列女卷之十三

貞操

烈節

孝行

懿範

拾遺卷之十四

古蹟

機祥

別錄卷之十五

寺觀

仙釋

賸語

義冢

集說卷之十六

河隄

營田

蠶桑

剝船

里役

圈給

藝文上卷之十七

宸章

奏議

譔述

藝文下卷之十八

紀載

雜著

題咏

寶坻縣志

古歛桂林洪肇楸東閩甫手輯

男烜全校字

職方卷之一

觀於天文以知地理析木之津幽燕之里有度
可稽有時可紀上探苞符旁綜經史舉例發凡
於是乎始志職方

星野

天有十二辰日月躔焉地有十二野官師掌焉

以野配辰職方乃釐然可考也人謂星野之說始於班固三統歷殆不然周官保章氏以星土辨九州之地所封封之域皆有分星鄭註以九州言其大界至州中之封域於星又各有分知其傳固已古矣後人多弗深考第云禹貢某州之域爲某分野而不言其所自出至其分入之度益無有詳之者余竊據周官鄭註之義以諸史叅之知分野之中更有分星而寶坻之爲燕分其度因畧可測識用標衆說於左一變自來

邑志之舊庶後有精於天文者得折衷焉

史記天官書尾箕幽州正義云尾箕燕之分野
爲幽州

春秋元命苞箕星散爲幽州分爲燕國

鄭元周禮註析木燕也總義云析木燕之分星
幽州之星土也

爾雅析木謂之津箕斗之間漢津也孫炎註析
別水木以箕斗之間是天漢之津也

漢書地理志自危四度至斗六度謂之析木之

次燕之分也

皇甫謐帝王世紀自尾十度至斗七度百三十五分而終曰析木之次於辰在寅謂之攝提格於律爲應鐘斗建在亥今燕分野後漢書郡國志引以爲註

晉書天文志自尾十度至南斗十一度爲析木於辰在寅燕之分野屬幽州又云天漢起東方經尾箕之間謂之漢津

陳卓謂尾箕幽燕也自尾十至南斗十一費直

起尾九蔡邕起尾四 亦見晉書

隋書與晉書同但不屬天文而屬地理志

新唐書天文志尾箕析木津也初尾七度中箕
五度終南斗八度

遼史地理志南京析津府本薊開泰元年更名
以燕分野旅寅爲析木之津國語解野旅寅野
謂星野旅謂躔次寅者辰舍東北之位

元史律歷志尾三度一分一十五秒入析木之
次辰在寅

明史天文志尾三度至斗二度析木之次也

按已上諸條皆周官所謂以星土辨九州之地所封也然所言亦有互異元命苞言箕不及尾史記言尾箕不及斗而漢書自危起度晉隋書則自尾起度以後諸史皆起尾其度數又各不同何其紛紛不一哉曰專言箕以其時幽州未合於冀也曰尾箕則合冀於幽而統爲燕矣自危起者由子而丑而寅順推也自尾起者由寅而丑而子逆推也而以析不論之則尾凡十八度箕凡十度接尾入斗則箕木也位在東斗水也位在北居雲漢而作渡實爲析木之津此後世言天文者所以必自尾起乎至越析木爲星紀則吳越之分矣兼言斗者特盡乎燕之所際耳若夫度數之不同乃由歷代歷法之屢改古今律歷志具在可考而知何惑焉

周禮註各郡邑皆有分星其書亡矣堪輿雖有

郡國所入度非古數也

晉書天文志范蠡鬼谷先生張良諸葛亮譙周

京房張衡並云尾箕燕幽州上谷入尾一度漁

陽入尾三度右北平入尾七度西河上郡北地

遼西東入尾十度涿郡入尾十六度渤海入箕

一度樂浪入箕三度玄菟入箕六度廣陽入箕

九度

按其時地屬漁陽

新唐書天文志李淳風譔法象志因漢書十二

次度數始以唐之州縣配焉僧一行謂自渤海

九河之北得漢河間涿郡廣陽及上谷漁陽右
北平遼西遼東樂浪玄菟古北燕孤竹無終九
夷之國尾得雲漢之末派龜魚麗焉當九河之
下流濱於渤碣皆北紀之所窮也

明史天文志北平之北平府尾箕分涿通薊三
州皆尾分霸州保定府皆尾箕分易安二州皆
尾分河間府景州皆尾箕分永平府尾分灤州
尾箕分

清類天文分野書宛平大興良鄉尾一度通州

三河武清尾二度昌平順義密雲懷柔尾三度
涿州房山霸州文安尾四度豐潤玉田薊州保
定尾五度遵化平谷尾七度

[按]已上諸條皆周官所謂所封之域各有分星者也分星之於分野則又有間矣分野者因天之所躔其規一定分星者因地之所入其數錯綜故謂自尾至斗爲燕之分特鄭氏所云大界耳論州郡所入則何可以所起之度泥哉昔人推晉書爲千古天文冠先載分野於前又載州郡之躔度於後其故曉然矣此地於晉屬漁陽爲尾三度於明清類天文當與三河武清同爲尾二度迨我

朝時憲一書至精至密又有非前代所及者凡郡邑所入以七政本輪與各地平經緯交算卽得各界之地方以京師爲里差之元其東西南

北俱二百五十里差一度茲地去京師纔二百里則度當與清類天文不異至西法又謂自房初度至箕二度爲析木之次此特論黃道之過宮以歲差計之而非所以論星野也謹詳晰書之卽一邑之星分穆然見敬授之心法焉

附
星占

史記玉衡第八星主幽州常以五寅日候之

星經辰星主幽州。尙書考靈曜云辰星水精也

漢書天文志燕齊之疆候辰星占虛危。又云壬燕趙亥燕代

唐書天文志大梁析木以負北海其神主於恒
山辰星位焉

大象列星圖北斗七星是謂帝車運乎中央而
臨制四方六曰開陽亦曰應星主木主燕

宋史天文志楚南一星曰燕有變動以其國占
之

宋兩朝天文志天市垣二十二星東西列各十
一星其東垣南第三星曰燕

後漢書天文志元興元年閏七月流星起斗東

北行至須女須女燕地天市其年遼東貊人反
發上谷漁陽右北平遼西烏桓討之

後漢書五行志建武十二年正月己未小星流
百枚以上或西北或正北或東北二夜止六月
戊戌晨小流星百枚以上四面行小星者庶民
之類流行者移徙之象也後三年吳漢馬武徙
雁門代郡上谷關西縣吏民六萬餘口置常關
居庸關以東以避寇

文獻通考景初元年十月壬申太白晝見在尾

歷二百餘日占曰尾爲燕有兵時公孫淵自立
爲燕王置百官發兵拒守宣帝討滅之

晉書天文志晉惠帝永興元年七月庚申太白
犯角亢經房心歷尾箕是年九月王浚殺幽州
刺史

穆帝永和八年六月辛巳日未入有流星大如
三斗魁從辰巳上東南行推之在箕斗之間燕
分也占爲營首營首之下流血滂沱是後慕容
儁僭稱大燕攻伐無已

禮經會元景星見箕尾而慕容德復燕此分野
之驗也

隋書天文志建德六年十月丁卯夜白虹見長
十餘丈頭在南尾入紫宮中明年正月平齊與
齊軍大戰

唐書天文志開成三年十一月乙卯有彗星於
東方在尾箕東西亘天十二月壬辰不見

天寶九載八月五星聚於尾箕熒惑先至而又
先去尾箕燕分也是時安史作亂漁陽

大歷二年九月乙丑晝有星如一斗器色黃有尾長六丈餘出南方沒於東北於中國則幽州分也

開成四年正月丁巳熒惑太白辰星聚於南斗推歷度在燕分占曰內外兵喪

[按]自宋以後志天文者多不及占驗而宋時星象之在尾箕間者尤多其時幽州燕地盡屬遼金故宋史畧焉不知天意正爲宋戒也遼金憑陵宋國殆無虛日謂非尾箕之應歟至於明而星緯之失其常者更不可枚舉矣流寇縱橫蹂躪畿輔而

真人已受命於遼陽彼昏不知方泄泄然以天變爲不足畏也悲夫余僅附其占驗之灼然者而後

實地集元
卷之二
此亦可
類推矣

沿革

分星如故則分域如故所非故者沿革耳然按
之職方上下三千年如目覩而手揣也此地固
燕之分自周迄今所隸旣殊稱名亦異幾紛紛
而不可稽矣要之晉以前爲泉州金以後爲寶
坻其間或分或併或廢而爲鎮或陞而爲州按
其時考其地歷朝之掌故備焉豈但發滄桑之
慨已耶

虞書曰幽都

幽之名始此

禹貢曰冀州

十道志夏殷省幽併冀

史記燕世家周武王滅紂封召公於北燕

燕之名始

此至戰國時燕築長城自造陽至襄平置上谷

漁陽右北平遼西遼東郡

輿地廣記秦四十郡幽為上谷郡

史記自雁門太原以東至遼陽為燕代國 漢

五年八月立盧綰為燕王

太平寰宇記高帝六年分燕置涿郡十二年綰

降匈奴復封王子建為王呂后誅建子又分燕國之地置涿郡及廣陽國文帝元年徙瑯琊王澤於燕至孫定國免武帝元狩六年又封王子旦置十三州改為幽州領郡國十昭帝元鳳元年旦誅改為廣陽郡

按漢以前邑名無考可考自前漢書始然於傳有之不可闕也姑揣數條補焉以下則據諸史備錄之

漢書地理志漁陽郡縣十二

漁陽

狐奴

路

雍奴

泉州

邑舊名莽
日泉調
平谷
安樂
庠奚
獷平

要陽
白檀
滑鹽

屬幽州

後漢書郡國志漁陽郡九城

漁陽
狐奴
潞路即
雍奴
泉州

平谷
安樂
倮奚即倮奚
獷平

屬幽州

晉書地理志燕國統縣十

薊
安次
昌平
軍都
廣陽

潞

安國

泉州

雍奴

狐奴

屬幽州

按自惠帝之後幽州沒於後趙石勒及穆帝永和五年慕容儁僭號於薊是為前燕至暉為秦苻堅所滅秦亂慕容垂得其地州郡之名如故及魏道武破慕容寶地遂入於魏

魏書地形志漁陽郡領縣六

雍奴

真君七年併泉州入焉

潞

無終

漁陽

土垠

徐無

屬幽州

隋書地理志涿郡統縣九

薊

良鄉

安次

涿

固安

龍節度使因於此地設鹽場立新倉及石晉以契丹兵滅後唐割燕雲十六州賂之地入於遼後遼爲金所滅終宋代地非宋有也故以下採遼金二史不及宋

遼史地理志析津府縣十一

析津 宛平 昌平 良鄉 潞

安次 永清 武清 香河 本武清地

時遼於新倉置榷鹽院居民聚集因分武清香河潞三縣戶置 三河

灤陰 隸南京道

金史地理志大興府縣十

大興 宛平 安次 灤陰 永清

雍奴

泉州併其內

昌平

懷戎

潞

冀州之域

唐書地理志幽州范陽郡縣九

薊

幽都

廣平

潞

武清

卽雍奴天寶元年更名泉州併其內

永清

安次

良鄉

昌平

按自天寶中安祿山史思明僭竊自此歷經朱滔劉總朱克融楊志誠之亂及光啓中李克用敗李匡籌而有其地時劉仁恭附克用表爲盧龍節度使仁恭子守光囚父殺兄僭稱燕李存勗遣周德威攻之擒仁恭父子以歸存勗滅梁是爲後唐同光中命趙德鈞鎮蘆臺軍後爲盧

寶坻

縣名始此本新倉鎮大定十二年置以香河縣近民附之承安三年陞置

盈州以香河武清隸焉尋廢州

香河

昌平

武清

良鄉

隸中都路

元史地理志大興府縣六

大興

宛平

良鄉

永清

寶坻

昌平

隸大都路

明史地理志順天府領州五縣二十二

大興

宛平

良鄉

固安

永清

東安

香河

通州

三河

武清 灤縣 寶坻 昌平州

順義 密雲 懷柔 涿州

房山 霸州 文安 大城 保定

薊州 玉田 豐潤 遵化

平谷

國朝順天府轄州六縣二十一

大興 宛平 順義 昌平州

良鄉 密雲 懷柔 固安

永清 東安 香河 通州 三河

武清

寶坻

寧河

於雍正九年分寶坻之梁城所

新設縣
省漵

涿州

房山

霸州

文安

大城

保定

薊州

玉田

豐潤

遵化州

平谷

論曰史家分天文地理二例獨分野於二者未

有專屬

漢書隋書屬地理後漢屬郡國晉書唐書明史屬天文

至於歷朝

沿革之故多載地理中而太史公亦附見於天

官五代史則以司天考代天文以職方考代地

理義又一變焉顧此皆史體耳若邑志類不設

天文地理之名竊以爲言職方而兩者足以該
矣爲躔爲度疆域所由定也爲邑爲州制度所
由立也仰觀俯察而職方氏之所掌豈外此哉
余故廣採百家詳爲剖晰合星野沿革而名曰
職方以冠十八卷之首

職方卷之一終

形勝卷之二

幽薊之區地脉斯聚密邇京畿實爲左輔漁山
崆峒約畧指顧濱海瀕河界灤纏潞幅幘孔長
帶礪攸固志形勝

山川

建都邑者必相度山川山川都邑之表也寶坻
在京畿東向稱山環水帶甲於他邑然境內固
無山也舊屬漁陽薊州之山卽其山北有崆峒
寶坻依焉而漁山又遠爲之拱若屏案然其發

脉也遠矣若夫濱大海引漕河逶迤曲折經二
百里說者謂饒魚鹽蘆葦之利故曰寶又水中
高者爲坻溯寶坻之所由名正以大川故也雍
正四年曾發帑治河境內如窩頭鮑耶青龍灣
諸河以次疏濬我

皇上頃復命大臣相度貽萬世安則寶坻諸川尤當
詳晰書之壯形勝且以知水利焉

〔河〕

潮河

在寶坻東一名白龍港據方輿紀要其上
源一自梨河一自洵河至縣界三岔口合

流統之則皆稱薊運河云其實卽古之鮑耶水
合洵河沽河之水而爲白龍港也畿輔通志考

之甚晰其東南一支至豐臺再會漕水名懷襄
河共南流過寧河縣山蘆臺抵北塘口入海雍正
正四年因鮑耶河久塞 怡賢親王大學士朱
奏明開挖由王補莊歸入窩頭河以通薊運有
奏疏見
藝文志

渠河 一名渠水卽窩頭河也自香河縣蒲石河
東注經流城池由開源水關入城經武曲

橋直注文昌閣下過文明橋西抵文廟之泮池
復自階升橋南流由通津橋出節流水關蜿蜒
百日至八門城會潮河入海雍正四年新開截
灣取直由城南而行雍正九年因香邑境內七
里莊有明口一道未堵水暴發滙流寶邑

欽差親勘堵塞勒碑永遠遵行水患以除

八門城河 在縣東南七十里卽潮河之支流而
渠河之下口也潮水逆注灌漑七十

二沽居
民利之

柳沽河

舊志在縣東南八十里今無考或云卽綉針口之支河至梁家沽入八門城乃

洩水地也雍正八年濬之然按方輿紀要在縣東北三十里玉田縣之水匯流入縣境下流注

於白龍港當別有屬矣

東淀河

向名東淀自縣八里汀起至寧邑潘兒莊大道止計長七里歸入寧邑七里海

乾隆五年知縣洪肇楸詳請開濬以洩瀝水

淀

河之外有淀窪地耳非坑泊比也自分邑而後

淀之在境者九縣東五里曰破淀縣西十五里

曰隸淀十八里曰蘓子淀三十里曰商王淀縣

南八十里曰遊香淀其東北五里曰趙淀七里

曰地扒拉淀東南四十里曰尋思淀七十里曰

小淀自開築河堤均有歸洩之路矣

龍潭二

一在縣東五里曰小龍潭一在縣東十里曰大龍潭相傳有龍居之故名今俱

無考

青溝二

一曰南青溝一曰北青溝在縣東南四十里

七十二沽

俱在縣東南潮水逆注民資灌溉

附 潮河堤舊說

堤以障水古法也堤不障水伊誰之咎古人云

微禹吾其魚乎是水足為患所以禦水患者則

惟人力是恃寶坻之有潮河堤也匪一日矣考其形勢自縣西北金陵口抵縣東南江湟口二百餘里久爲寶坻障蔽歲時修築雖洪濤奄至以堤完可恃而河伯遠去矣是以歲歲登稔民受其利自寶民失業以來心力殫盡每大水時至交相推委雖秋禾將成猶嘗飽魚鱉之腹良可歎也則增埤抵隙顧不急急歟但寶民歲有大役如剥船淺夫等件民以新絲新穀致痛矣而又啣石填海何以四應爲此之計惟當急請

庫金備陳利害

朝廷憐其疾苦而軫濟之庶得稍存萬一也不然任其衝毀付之無可奈何而不之救勢必舊基平沒而東南盡水國汪洋矣其患可勝歎哉

觀舊志云云何其言之淒以切也蓋寶民之失業久矣恭逢

國家重熙累洽近畿之民休養生息雍正三年會大水奉

旨發北倉漕米五萬七千石遣官散賑民得無恙明

年

特命 怡賢親王同大學士朱躬親相度

頒發內帑檢派工員程璇等於潮河舊堤募夫修築
截灣取直加高培厚起新集料馬莊止張頭窩
長一百八十里又開鮑邱窩頭河二道以洩境
內之水至雍正八年奉

旨開青龍灣引河自香河至寶坻之楊家場入境直
抵寧河之寧車沽計長九十里其長堤遙壩則
周圍凡四十里許且於綉針口開支河一道至

八門城止以洩瀝水自是以來東西北三面皆濱河繞以長堤外水俱不得入其境內積水復有支河數道以資宣洩斥鹵之地頓成膏腴年穀順成民氣和樂乃大異於曩所云矣夫舊志憫民災之洊臻傷民力之久困鯁鯁焉欲當事者備陳疾苦請發帑金豈意

聖主如天好生不煩入告而動大帑以成此遠謨者其績直與天無極哉

臣

故併舊說錄之以見昔

之可悲者如彼而今之可慶者如此

疆域

禹貢記九州必表四至此疆域所自昉也顧疆域之分各因時異按域卽可以考時如寶坻在遼爲新倉鎮隸香河邑則仍香河縣之四至也金時析香河縣東偏鄉閭萬五千家爲縣則四至固異於香河矣今乃析邑東南境之梁城所爲寧河四至又尙得混於寧河乎不得混而自東南九十里外皆當別而出之卽一切條目皆準諸此焉

東西通濶九十里南北通長一百三十里幅幘
凡四百三十里

東至下芝蔴窩玉田縣界 六十里

西至黃家集西香河縣界 二十里 又西行達於

京都 一百六十里

南至堤頭莊天津府界 一百一十里

北至三岔口薊州界 十五里

東南至豐臺寧河縣界 九十里雍正九年始分

西南至口下哨武清縣界 四十里

東北至白龍港亦與薊州爲界 二十里

西北至新集鎮三河縣界 四十里

附 八景

薊界雲山 在縣北十五里名三岔口自白龍港來合洵河折而北行至此適爲寶坻

之鎖口界接薊州崆峒山色隱約明滅倏忽萬變實境內之鉅觀○前志無今補

秦城烟柳 在縣南十里秦始皇併燕築城置戍唐太宗東征亦駐蹕焉舊志以太宗

初封秦王故名秦城非也余有辨見古蹟中○景仍舊

東寺曉鐘 在縣內大覺寺舊志云寺內鐘傳自東海來欵識絕異叩之其聲清以長

然按張瓚寺記鐘乃僧行超所鑄也瓚記今入藝文志○景仍舊

北潭秋月

在縣東三十里北通薊漕南人於海每秋水澄泓倒涵天碧夜來月映潭

心尤為清絕始如椰子厚所云於中秋觀月尤宜者也○景亦仍舊

石幢金頂

在邑之中央形如幡幢高三丈凡七級石上雕刻工巧貫以鐵柱頂以金

為之金皇統中建相傳下有海眼○杜文端易去此景今從明志補入

珉碣銀鈎

在縣內廣濟寺其碑建自遼重熙五年石色晶瑩如舊勒文工雅書亦古

秀絕倫○此景係杜文端增入所謂文燦靈碑者也今存其景易其名

潮河飛練

即縣東之潮河出海北上蜿蜒數百里每早晚潮至波濤撲空橫飛素練

亦壯觀也○此亦杜文端所增然直謂之長河潮汐似乎未雅為易其名

文閣瞻雲

在縣治東北隅傑閣聳峙下臨城河明令袁公黃所建也乾隆十年知縣

洪肇林議修邑紳王詢任其事主簿鍾秉惠董
之復於閣下濬深池形如頰壁築岸環焉植蓮
於池栽柳於岸深紅嫩綠映帶左右憑欄凝望
長安雙闕如在雲端蔚為勝觀云○前志無今
補

并載明志八景

東寺曉鐘

北潭秋月

夏霧銀魚

註在縣東南一百四十里秋深霜降後有銀魚自海中蛤山出其色瑩白如銀以此充貢杜文端以水族之微不足言景去之今歸寧河矣

晴樓碧障

註即四門樓及四隅樓也晴日一登東望燕山南瞻秦城西仰盤龍北眺

崆峒四圍環繞如屏杜
文端以爲熟見去之

石幢金頂

蘆臺玉砂

註在縣東南一百二十里蘆臺軍近海廣漠熬砂爲鹽白如玉屑後乃曬

水而成今亦歸寧邑

秦城烟樹

杜易烟樹爲烟柳差雅

拱都池蓮

註卽寶坻城也知縣莊公禪立城濬池因植蓮於四圍夏秋紅紫翻華風

動香移觀者爽目杜文端以瑣細去之

前志杜文端更定八景

海天東勝

註邑東有大海寰輿可通吞吐百谷瞬息萬狀爲景之大者○今歸寧河

秦城烟柳

東寺曉鐘

北潭秋月

長河潮汐

今易名曰
潮河飛練

朝霞晚照

註縣西五里有朝霞寺當夕陽落照
霞光遙映變態不齊○今寺已廢其

景了不可見且考舊
朝霞寺本不在此

蘆臺玉砂

文燦靈碑

今易名曰
珉碣銀鈞

按明志原載八景杜文端易其四非獨舍舊從

新亦以時有變遷故也其說具見文端詩序中
顧自雍正九年分設寧河公所增海天東勝者
已與蘆臺同歸寧河矣而朝霞廢寺佳景渺然
倘又有不容不易者耶竊謂邑有三岔口諸水
滌澗經乎東而緯乎北遙望薊州諸山宛如屏
幃空濛縹緲都成畫圖而城東之文昌閣高閣
嵯峨負城臨水西望京都如在咫尺自了凡袁
先生建後人文由此日盛邑之壯觀莫如二者
矣豈若海天之勝凡濱海之地所同而夕照之

霞亦非禪房所獨擅哉以此易彼殆似勝之惟是二景之外罕可指名因念舊景中如石幢者杜公亦歎其巧斲不羣特緣兵燹之後僅存餘礪而去之或已過矣夫寒山片石拂拭摩挲况此石之亭亭矗立當一邑之中央實關地脉之秀靈也乎其歷劫不灰當有神物以憑之矣磨洗認前朝有心者宜若何珍重也今適以八景中或外隸或久湮補之不足仍以石幢列焉抑亦茲石之有靈也歟

論曰志家以形勝自爲一冊非也跡其所鋪張而揚厲者非山川之雄秀卽疆域之整齊舍茲二者則摹繪皆虛耳安所取哉夫山川形勝之出於天而疆域形勝之出於人者也其中佳景曲折間廁則有天有人爲形勝之點綴亦多矣余志形勝兼山川疆域而附以八景高高下下如列几案不覺暢然而滿志云

形勝卷之二終

建置卷之三

建邑寧居規制斯立測景定方陰陽協吉雉堞
森森闕宮翼翼誰擁專城而敢缺失興築必書
具關典則志建置

城池

高城深池所以備不虞固金湯也寶坻自金大
定立縣後卽營建城郭畧見劉晞顏記中以後
廢徙不常靡得而聞其規模大備則自明弘治
間始闕今三百餘年矣孰踵其舊孰增其新取

其可考者著於篇

城

寶邑去順天不二百里比於漢之三輔必於城
資保障焉顧明初止爲土城永樂定都後猶沿
之及弘治庚申知縣莊禕乃議易之以磚請於
巡撫洪公報可一時鉅室富民踴躍樂輸度地
鳩工甫期而竣高二丈有六尺厚亦如之廣四
尺長一千二十八丈四圍壁峭女覘相承屹然
壯觀矣至嘉靖末城漸就圯知縣唐鍊設法增
修復還舊觀萬歷中知縣管應鳳復築月城復

塢重闐城益完固入

國朝如舊後因連歲雨霖傾頽數處雖間爲補葺
終難久支其有同昔時之好義者乎則莊公之
績可再舉也

城之四門東曰海濱西曰望都南曰廣川北曰
渠陽其城之總名曰拱都

門之上有樓海濱門之樓曰觀瀾望都門之樓
曰拱恩廣川門之樓曰迎薰渠陽門之樓曰威
遠

城之四隅又有角樓焉左之前曰環碧後曰挹

青右之前曰慶豐後曰樂治

皆弘治時舊制今仍之有記二見藝

文志

池

城之周圍可七里池繞之而貫乎其中莊公禱

既築城遂浚池池深二丈廣倍之又加一焉因

作石堰於水者二北曰開源南曰節流脉絡滌

澗曲曲貫注而城外之河四面環繞如玉帶然

此邑中風水所由聚而物以之繁民以之阜也

迨後日就淤塞幾失舊蹟乾隆七年知縣洪肇

赫允士民之請捐俸倡濬萬畚雲興數月乃集
勒石以記之因念舊志之志城池也但云城而
不及池恐來者且視爲可有可無之數矣安知
所係若斯之重乎特補之而詳晰內外城河之
形勢備觀覽焉

內城河

本渠河之流自城東北隅開源水門入
由武曲橋至文昌閣經文明橋折而西

抵階升橋入泮池由池東出漱潤橋過雲津橋
西南注經通津橋出城南節流水門蜿蜒曲折
約長二里許重濬事蹟
具載碑記見藝文志

外城河

四週約長六里許廣十餘丈舊有堤埝
城北開源門外有袁公壩者今壩臺基

址尚存其袁公壩以上卽渠河故道也自朱家舖朝霞寺至西鄆等莊抵弘福寺由平政橋接入城河計長四十里出節流門東南注經韓家橋至南鄆等莊由南石橋會入窩頭河

學宮

化民成俗建學爲先寶坻密邇

神京近

天子之光而佩聖人之教宜鼓舞於學宮者濟濟也

按寶坻之學在縣治東北隅元至正間邑紳劉

深朱斌普顏等改古權鹽院建之監邑事黑廡

彥明重修有明自洪武弘治迄嘉靖以下增修

者代有其人不失舊制迄我

朝而彬彬大備焉顧百年以來葺理者亦屢矣非

大舉而更新之終懼其難為繼也方將與紳士

協謀使泮瑩生輝奚斯作頌豈不休哉今列其

制如左

大成殿五間中懸

御額

康熙三十年題萬世師表雍正四年題與天地參 殿之東啓

題生民未有乾隆三年加封五代更名曰崇聖祠 聖祠三間

乾隆七年幾圯知縣洪肇恭捐俸修

聖殿前東西廡各五間戟門三間

康熙中邑紳士重修大學

士杜立德有記

戟門之左為名宦祠右為鄉賢祠泮池

在其前又前曰櫺星門門外有大壁壁之左為

忠義祠右為節孝祠壁外有大池周垣數畝池

之南有雲津橋

乾隆七年知縣洪肇楸因濬城河并濬泮池及修雲津橋

南曰雲津坊取晉張茂先龍躍雲津之意南一

百二十步有大坊曰雲路聖殿後明倫堂三間

明倫堂後成美堂三間東西側房各一明倫堂

左右為進德修業二齋齋各三間

今已廢宜重建兩齋

之南即聖殿後壁也壁西盡處為義路路西有

土地祠禮門對焉明倫堂所由出入也禮門直

南八十步許魁樓踞其上雍正十年知縣伍澤榮重修下卽

學宮之大門教諭宅在成美堂後明倫堂西偏

宅一所訓導居焉土地祠已圯乾隆十年訓導賈念祖捐貲重建

露臺在戟門內尊經閣在學宮西北敬一亭在明倫堂後射圃

在學宮右俱廢○按學基久混入民居今清丈

正中東長百五十一弓西長百四十六弓三尺

南寬五十五弓四尺北寬六十一弓三尺東北

隅長廿六弓寬廿五弓三尺照牆前長六十一弓寬三十六弓三尺仁賢街北長六十弓寬廿三弓雲路長百廿五弓寬四弓修學時宜釐正

附

社學舊在縣治西久廢今移城內西街邑人趙士昌捐田一頃至本學學田數見賦役卷

縣治

臨民聽事之區觀瞻係焉居厥位考厥職入斯署也宜有凜然而動念者矣自金大定時設縣除令以主縣事丞簿佐之縣令王禕乃於大覺寺之西卜爲縣治東爲丞簿署縣北郭爲巡捕廳元季以兵燹廢明洪武元年遷縣治於城之西南隅合丞簿廳爲一所歷二百七十餘年廢興者數矣

國朝御治復仍前修葺之其官衙廳舍各如制以

後亦遞有損益云

舊制前爲大堂凡三間大堂之後爲二堂額曰後樂蓋明萬歷時知縣袁黃所題取先憂後樂意也二堂左右兩側房各三間東壁爲幕廳西壁爲庫房堂前牌坊一座堂左右書吏房各七間儀門三間大門如之獄在儀門右儀門東有土地祠其東南爲寅賓館天啓時知縣周詩雅題曰冰堂有冰堂記舊治之大凡如此後大堂久漫漶僅存基址乃視事於後樂堂其堂左右

之側房與幕廳庫房皆撤餘如舊康熙五十四
年後樂堂就圯知縣黃志元葺之雍正八年堂
前牌坊剝落知縣伍澤榮修焉而自三堂之後
無復餘地退食視簿僅堪容膝乾隆七年知縣
洪肇林乃詳 憲省節養廉銀營內署十餘楹
復建四堂三間額曰待軒有小公餘乃有憩所
非爲適已正以待後人也若縣衙在二堂後主
簿衙在縣衙西典史衙在縣衙東南各自增修
不悉載其縣丞衙以缺裁故廢

察院 府廳 陰陽學 醫學 接官亭 均在縣治

東申明亭 在縣治西 僧會司 在廣濟寺 道會司 在城隍廟

演武場 初在縣西門外 今移南門外 養濟院 在縣西北隅

附 常平倉 邑故有預備倉在縣治西南隅嘉靖三十三年知縣劉廓建倣古社倉於縣西

門內皆廢為民居至雍正十年知縣伍澤榮捐建社倉四間其明年又奉文建常平倉二十六

間在縣署東南隅至常平倉現貯穀米亦詳賦役卷

郵舖在縣治東其在縣西十里曰朱家莊舖在

縣西二十里曰崔家莊舖

論曰邑之規模視乎建置建置明而規模定矣

然始未嘗不整肅而後乃稍陵夷也詎不存乎
紹述之力哉夫入其境入其庭而政可知亦於
其規模卜之耳坐嘯城頭鳴琴清署彼有人焉
忍以爲傳舍也而忽諸余故舉自來所建置者
書地書時以無忘其始兼欲繼此者永永無斁
焉至如都邑旣建首重學宮而倉廩郵館皆縣
治中經畫所必及者亦得附書

建置卷之三終

祀典卷之四

國之大事惟祀爲先入學祭菜典禮不愆成民
致神奉醴告虔毋曰幽漠實式憑焉盼饗網緼
對越於天志祀典

文廟

文廟卽在學宮中學宮已列建置卷復詳文廟
何哉宮則考其制廟則數其典也釋奠於

先師孔子煌煌儀注歷代遵焉可從畧歟

聖朝尊師重道封五代設太牢增樂舞又有超軼前

代者畧而不書其何以觀禮詳考冠諸卷首爲
祀典光猗歟盛矣

大成殿

至聖位居中復聖述聖在左宗聖亞聖在右當祭則
配殿左右爲十二哲從祀其東西兩廡祀七十
二賢及歷代諸儒之有功聖學者各分獻

崇聖祠在殿之東祀

先聖五代

雍正四年追封崇以王爵曰
裕聖王 詒聖王 昌聖王

肇聖王
啓聖王

以四配之考配之從祀者爲周程張朱蔡五先

賢

魁星樓在禮門南

土地祠在義路西

因祭廟

并祭之

名宦祠在戟門左

鄉賢祠在戟門右

廟祭畢祭

於二祠

釋奠儀

每祭於文廟期以春秋二仲月上丁日先三日

齋前一夕省牲知縣正獻行三獻禮教官分獻

行一獻禮其執事之目十有二

通贊 引贊 陳設 司帛

司爵

司盥

司尊

進牲

瘞

讀祝冊曰惟

毛血

司香燭

飲福

受胙

師德配天地道冠古今刪述六經垂憲萬世惟

茲仲

春秋

謹以牲帛酒醴齋盛庶品祗奉舊章式

陳明薦以復聖顏子宗聖曾子述聖子思子亞

聖孟子配設祭器十有一

錫簋 竹籩 爵盞 錫釶 木豆 錫

簋

錫登

篚

犧尊

雲雷尊

俎

乾隆

八年知縣洪肇楸捐錫三百六十觔祭器咸備

陳樂器十有八

編鐘十二 瑟二

簫

編磬十六 笛

排簫各二

管 笙 塤 篪 各二具 大鼓一 搏拊鼓

一 祝 一座 麾 幡 旌 節 各一 杆 龍 翟 三

十六 柄 籥 三 十 樂 奏 咸 和 之 曲 以 迎 神 其 詞

六 管 敵 一 座 曰 大 哉 孔 聖 道 德 尊 崇 維 持 王 化 斯 民 是 宗 典

祀 有 常 精 純 並 隆 神 其 來 格 於 昭 聖 容 奠 帛 初

獻 奏 寧 和 之 曲 詞 曰 自 生 民 來 誰 底 其 盛 惟 師

聖 明 度 越 前 聖 粢 帛 具 陳 禮 容 斯 稱 黍 稷 非 馨

惟 神 之 聽 亞 獻 奏 安 和 之 曲 詞 曰 大 成 聖 師 實

天 生 德 作 樂 以 崇 時 祀 無 斃 清 酏 惟 馨 嘉 牲 孔

碩 薦 修 神 明 庶 幾 昭 假 終 獻 奏 景 和 之 曲 詞 曰

碩 薦 修 神 明 庶 幾 昭 假 終 獻 奏 景 和 之 曲 詞 曰

百化宗師生民物軌瞻之洋洋神其寧止酌彼
金壘惟清且旨登獻惟三於嘻成禮徹饌奏咸
和之曲詞曰犧象在前豆籩在列以饗以薦既
芬旣潔禮成樂備人和神悅祭則受福率遵無
越乃奏咸和之曲以送神其詞曰有巖學宮四
方來宗恪恭祀事威儀雍雍歆茲惟馨神馭還
復明禋斯畢咸膺百福凡歌詩者四人樂生二
十有四人司舞三十有六人

雍正二
年添設

祭法

先師酒三爵帛一筐太羹一登和羹二鉶黍稷二簋

稻粱二簋十二邊

鹽芡

藁魚

棗鹿脯

栗餅

榛棗

餌

十二豆

韭

菁

芹

魚醢

等

醢

鹿醢

脾

肝

鮓

鮓

鮓

鮓

糝羊一俎豕一俎設太牢

豬正四年增設

四配酒各三爵帛各一筐太羹一豆和羹二鉶黍

一簋稷一簋六邊

鹽脯

棗

栗

鹿

六豆

菁

芹

菁

芹

芹

笋 鹿醢 兔醢 魚醢

羊豕皆一函

十二哲酒各一爵帛一筐和羹一鉶黍一簋稷一

簋四邊

省藁 藁魚

四豆

省笋 魚醢

羊豕皆一函

東西 數同

兩廡每廡合四位酒四爵帛一筐黍一簋稷一
簋四邊四豆豕四函

崇聖酒三爵帛一筐和羹二鉶黍稷二簋稻粱二
簋邊四豆四羊豕皆一俎

其配各酒三爵帛一筐和羹二鉶黍稷一簋稻
粱二簋邊豆皆四羊豕皆一函

是日也祭辯乃致祭於魁星樓及土地祠并名
宦鄉賢二祠皆祭之畢乃出祭於

文昌閣如常儀

壇壝

上丁釋菜禮莫虔焉儀莫肅焉非他祭比也若夫時和降福教民美報斯其祀典之大者乎當憲皇帝之七年令郡邑置先農壇每歲仲夏戊日與社稷山川諸壇並祭我

皇上享祀百神典禮有加焉凡以恪恭震動爲天下先也寶邑猶在畿內守斯土者敢不仰體敬天勤民之意以祇承大禮因次丁祭敬列之

社稷壇

在縣西門外西北里許以釋菜後戊日致祭

風雲雷雨山川壇

在縣南門外與社稷壇同日祭

先農壇

在縣東門外韓家橋東一里許雍正七年知縣廖翼奉文建置每歲戊日致祭

縣令率農官耕藉田如古大夫禮

邑厲壇

在縣北門外半里許每歲以清明中元孟冬三節祭之

鄉厲壇

每里一所祭期如邑厲壇

祭法

社酒三爵帛一筐和羹二鉶黍稷二簋稻二簋棗

栗鹽藁魚四邊韭菁菹醢醢四豆羊一俎豕一

俎

稷如其數

風雲雷雨山川器增社壇二之一篚增五祭品
一如社儀

先農牲用羊豕三獻禮如常儀

厲酒三爵果四籩蔬四豆羊二俎豕二俎羹八
器飯四科

廟祠

有功德於民者則祀之故稱廟食焉獨壇壝也
乎哉武廟之崇亞於文廟於乎盛矣其他廟祀

大率以祭社稷壇日祭之以其能利賴民人與社稷等也聰明正直之神來享來格所謂有馨香而無譏慝者耶若夫寺觀之屬不在此例入

別錄

關帝廟 在縣石幢前有禮部尚書王鐸濯靈二字額雍正三年奉文加封三代公爵每歲春

秋釋奠五月十三日復專祭

城隍廟 在邑中殿額觀火二字亦王鐸書也每歲春秋上戊日致祭

八蜡廟 在縣東門外亦以上戊日致祭

馬神廟 在縣署東祭日同上

土地廟

在縣署內
祭日並同

忠義祠

在學宮東雍正八年
知縣廖翼奉文建

節孝祠

在學宮西與忠義祠
同建祭日亦並用戊

祭法

春秋二仲月祭

關帝廟牲用羊豕設太牢其儀注一與文廟同朝

服行九跪三獻禮是日並祭三代祠無太牢六

叩三獻如祭崇聖祠五月十三日專祭

關帝牲儀皆如前

以上俱雍正
元年增

上戊日祭八蜡牲用羊豕酒各二爵餘如常儀
是日也兼祭土地及馬神

城隍與風雲雷雨山川同祭禮亦如之

忠義節孝與社稷壇同日祭其禮則視名宦鄉
賢

論曰教養之相因也久矣覺民者聖庇民者神
用丁用戊以昭聖澤以答神庥典顧不鉅哉故
觀於里豆庠邊而益知君臣父子之鵠觀於祈
年飲福而益思農桑衣食之原二者居教養之

大端矣寶邑雖小有君子焉有野人焉百年以
來以教以養聖之澤耶神之庥耶且幾忘

帝之力矣

祀典卷之四終

賦役卷之五

昉昉禹甸廡廡周原口分世業良法勿誼逮我
聖朝恩侔化元輕徭薄歛以庶以繁烝哉美利溥於
不言志賦役

戶口

將授田先計口戶口稠而田疇易矣周官大司
徒掌積九比之數下逮族師閭胥無時不以校
登民數爲務誠重之也寶坻爲畿東大邑至明
季而凋敝極矣

國初收按故籍其民竈丁數大率多空名耳嗣以
投充者別籍流散者去鄉鳩集蓋其難哉欣逢
歷聖栽培

盛世滋生數永不加賦百年以來太和翔洽起乾隆
元年至六年編審滋生乃多至五百三十二丁
實爲前此未有則此後之日新月盛又寧有旣
耶謹核實書之以見自衰而盛之不易云

民丁

順治元年原額編戶二十六里民丁分上中下

九則共一萬六千一百二十四丁內節年編審
開除投充優免逃亡故絕人丁一萬二千一百
二十六丁減里六實存三千九百九十八丁

順治十三年十八年至康熙二年屢奉文清理
戶籍編審新增七百八十四丁又英王下退出
投充人丁一百零一

康熙二三年始簡明賦役嗣後編審五年一行
著爲令

五年增丁九十有九

十年增百有二丁

十五年增丁百九十有三

二十年如原數無增減

二十五年增丁二十有二

三十年增丁十

三十五年僅增六丁

四十年四十五年五十年三次編審並如前

五十五年欽奉

恩詔新增人丁永不加賦遇編審將

盛世滋生數註冊報部是年報增滋生五十五丁

六十年滋生二十有六丁

雍正四年滋生丁三十有七

九年滋生丁百四十有八是年分立寧河縣編

戶仍二十里

十年分滋生丁百十有二歸寧河

乾隆元年滋生二十有七丁

六年滋生丁多至五百三十有二

以上共增民戶丁二千一百四十有二除分寧

河外實增丁二千零三十內奉

恩詔八百二十五丁永不加賦賦者凡五千二百零

三丁

竈丁

順治元年原額竈戶一千四百七十八丁內節
年編審開除并逃亡故絕去五百六十六丁

雍正十年析七百十五丁歸寧河縣實存一百
九十七丁

右合民竈二項通計五千四百丁

額外丁

供丁七百一十有六及節年新更人丁二百六十一又康熙三十年新編永清左衛歸併人丁二十有一共九百九十八丁

等則

按戶編丁卽計丁定役力役之征所由來矣明時一切經費取給於里甲而吏胥復因緣爲奸民乃大困知縣楚書唐鍊相繼申請得稍減會後條鞭之議行民頗便之我

朝以三等定九則猶仿其意也特富者田連阡陌
丁糧轉少貧無立錐而猶苦供丁雍正二年允
直督李請照江浙例將丁攤入地糧酌盈劑虛
於是戶役之徵下丁勿擾視條鞭不更善哉

民戶行差人丁五千一百零二各則徵銀不等
共徵銀八百五十七兩九錢四分

上上則止二丁每丁徵銀一兩五錢

上中則惟一丁徵銀視上上減二錢

上下則合徵銀一兩一錢闕

中上則亦二丁每丁徵銀九錢減於上中者四錢

中中則九丁每丁徵銀視中上減二錢

中下則十三丁每丁徵銀減中中又二錢

下上則十六丁每丁徵銀視中下減一錢

下中則八丁每丁徵銀三錢又減於下上

下下則最多凡四千九百二十九丁每丁徵銀

止一錢六分

英王下退出投充人丁一百零一共徵銀二十

一兩六錢八分止有二則

下上則二十三丁每丁徵銀四錢

下下則七十八丁每丁徵銀一錢六分

竈戶丁一百九十有七每丁止徵銀七分不分
則共徵銀十三兩七錢九分

右合民僮丁通計五千四百各則不等實徵銀
八百九十三兩四錢一分遇閏加銀六兩一錢
四分一釐一毫三絲六忽九微八纖八沙
額外供丁七百一十有六又節年新更丁二百

六十一共徵賦人丁九百七十有七各則不等
實徵銀一百七十一兩八錢二分

下上則惟一丁徵銀四錢

下中則一百零九丁每丁徵銀三錢

下下則八百六十七丁每丁徵銀一錢六分

又新編永清左衛歸併二十一丁從下下則每

丁徵銀一錢六分共徵銀三兩三錢六分

通額外及歸併人丁九百九十有八各則不等

共徵正銀一百七十五兩一錢八分遇閏加銀

二錢八分七釐八毫一絲四忽九纖六沙

以上額內外丁銀自雍正二年攤入地糧永爲

例

田壤

則壤成賦各以境分其有區別於一境中者禹
貢謂之錯若寶坻之田賦其諸下中三錯乎所
以然者何明時王子駙馬徹侯多食采其中入
本朝而圈給旗人者又過半矣於是有撥有補有
收有增及墾荒歸併之不同不分而晰焉無以

見百餘年中

聖人之救敝補偏哀多益寡經制若斯之善也謹列各則於下兼欲牧民者時體保赤之懷焉

民地

四境皆民地胡獨繫以民言民者別於官也有明之王莊

本朝之旗圈皆官有矣王莊撤而旗圈與民所存者圈之餘耳然由今考之雖圈猶未圈然特與王莊相互易而已假令卽以王莊爲旗圈彼地

之在官者尺寸可得而問耶

順治元年原額民地六千八百九十頃六十四
畝七分二釐內除二年三年四年圈去地四千
四百一十七頃三十六畝八分八釐五毫僉派
糧船地九百頃又三年四年六年七年投充帶
去地一千五百一十五頃三十二畝三分四釐
六毫實存民地五十七頃九十五畝四分八釐
九毫順治八年至乾隆九年無開除

每畝二分五毫九絲九忽一微九纖九沙七塵
一渺起科又加芝棉腓衣改折加增銀一毫六

絲四忽八微七纖一沙一塵二埃六渺五漠又
解龍慶倉今改解通永道黑豆九合八抄三撮
五圭七粟八粒遇閏照萬歷年間則例加銀一
釐七毫三絲六忽五微一纖二沙七塵九渺四
漠

順治二年三年四年將宮邊馬房監地補折圈
除民地共三千零一頃二十一畝七分四釐二
毫六絲一忽內除四年又圈去地九百八十二
頃二十三畝一分四釐六毫十四年新增僉派
糧船地一百三十頃康熙四年六年七年十二
年圈去并蓋造管房共地二十七頃一十畝及

雍正九年十年分歸寧河縣地四百一十二頃
七十六畝六分六釐七毫二絲乾隆二八兩年
開除雍正正四八兩年奉開青龍灣窩頭等河用
地三十一頃六十八畝九釐三毫六忽乾隆九
年實存補民地一千四百一十七頃四十三畝
八分三釐六毫三絲五忽

每畝照民地二分五毫九絲九忽一微九纖九
沙七塵一渺起科遇閏加銀一釐七毫三絲六
忽五微一纖二沙
七塵九渺四漠

按既以民地圈撥乃卽官地以補之就地還地

甚便也而前志乃以不若他州縣取償於隣境之高阜致憾於偏枯其亦未之思矣夫取償隣境者以本境無復可補地耳民居此而地居彼是以抗租交控膠葛不休後雖定爲官徵官解何如自主者之取攜甚便哉况官地本昔日之膏腴特歲久不治耳還諸民而各盡其力將明之自肥而瘠者今亦可由耗而豐蓋一轉移間而裁成輔相之道具焉當其時固未遽曉也

竈地

自後唐趙德鈞興鹽利置新倉金人立榷鹽院於此宜其多竈戶也考興國富國豐財諸場戶籍亦有在寶坻者豈獨蘆臺近境哉其人曰竈丁則其田曰竈地雍正三年

詔州縣丈量除鱗冊所載民田外將竈地悉行清出有從前典賣與民者俱令回贖無力暫令管業人耕種納糧丈出地畝嗣後止許賣與竈戶違照盜賣官地律所以爲裕課阜財計者至深遠矣自

國初來其中亦有撥與補之分因次民地詳之

順治元年原額竈地八百二十頃九十六畝六分五釐內除四年圈去地四百六十一頃八十七畝三分又雍正九年十年分歸寧河縣地二百零五頃二畝三分六釐二毫九絲七忽六微乾隆二年開除雍正四八兩年奉開青龍灣窩頭等河用地五頃二十九畝九釐八毫八絲七忽乾隆九年實存竈地一百四十八頃七十七畝八分八釐八毫一絲五忽四微

每畝八釐一毫六絲二忽一微五纖起科又徵
解龍慶倉今改解通永道黑豆九合八抄三撮
五圭七
粟八粒

順治四年將馬房駒監地補折圈除竈地四百
六十一頃八十七畝二分九釐九毫九絲八忽
內除雍正九年分歸寧河縣地一百八十五頃
二十九畝四分九釐二忽八微乾隆九年實存
補竈地二百七十六頃五十七畝八分九毫九
絲五忽二微

每畝照竈地八釐一毫六
絲二忽一微五纖起科

以上合民竈二項共地一千九百頃七十五畝
二釐三毫四絲五忽六微共徵正加銀三千三
百八十七兩九分八釐五毫三絲二微二纖三
沙六塵六埃六渺三湖九虛七澄八清五淨黑
豆一百七十五石一升九合四勺七抄四撮一
圭六粟九顆三粒四黍七稷六糠一粃八粍

按右民竈二項皆如前志特標出分寧河縣數
耳此下舊志有宮地邊地監地牧地之分今遵
照乾隆九年賦役全書收增皆歸額內餘八百
八十八頃一十九畝七分五釐零則爲額外與

舊志
異矣

收地

收地者收舊時所充紅剝船地而歸之正額者也初寶坻派紅剝船百二十八

國朝雖量減猶存百有三隻每隻給地十頃免其賦時方圈給後民多失業重以僱役包賠幾焦然不能以終日

聖祖仁皇帝惻然憫之於四十年裁去復以其地還民積弊旣除舊疆復廣德莫厚焉小民由此有起色矣剝船始末詳集說此特記其所收數云

康熙四十年裁革紅剝船地一千三十頃內除
雍正九年十年分歸寧河縣地九十七頃六十
四畝一分六釐六毫乾隆九年實存收地九百
三十二頃三十五畝八分三釐四毫數見下

一民地一十六頃二十二畝六分
每畝起科芝
棉胖衣銀及

黑豆閏銀
俱照民地

一民地一百三十頃
起科閏銀
並同上

一開荒民地四十三頃九十四畝三分
起科亦
同上

一金盞地七十五頃一十五畝二分
每畝一分
六釐五毫

起科

一宮地一百三頃八十二畝五分三釐四毫每畝

二分三毫八絲九微起科

一邊地五百二頃二十四畝二分每畝一分五釐一毫四絲

三忽七微七纖起科

一駒子地六十頃九十七畝每畝二分七釐起科

以上共徵銀一千六百五十二兩八錢九釐三

毫六絲一忽一微一纖八沙四塵五渺八漠黑

豆一十四石七斗三升九合一撮九圭八粟八

黍

增地

以收地合補地而民業復民生遂矣詩曰鴻雁
于飛集于中澤不其然乎顧較諸順治元年原
額尙有缺者於是合開荒香火及宮邊監牧之
類以積漸而增益之乃得足乎曩額豈惟足額
又加羨焉遂於雍正九年分設寧河縣宅爾宅
田爾田向統於一而不足今析爲兩而有餘新
編賦役全書所增入額內者可按也於乎

歷聖相承轉旋回斡德至矣哉

自順治十年起至乾隆九年止共新增地三千六百五十五頃三十五畝四分六釐五毫一絲七忽四微三沙四塵內除康熙年間圈去地四十三頃八十畝退歸受補肅寧縣地七頃三十五畝及雍正九年十年分歸寧河縣地一千六百二頃八十三畝六分七釐九毫七絲五忽三微三纖又乾隆二年開除雍正四八兩年奉開青龍灣窩頭等河用地一十八頃六十八畝五

分二釐八毫八絲七忽乾隆九年實存增地一千九百八十二頃六十八畝二分五釐六毫五絲五忽七纖三沙四塵數見下

一節年開荒民地六百五十七頃一十三畝八

分一釐三毫

每畝照民地起科

一順治十年僧道香火地一十三頃七十四畝

五分

起科同上

一順治十年香河縣退出補民地二十七頃五

畝五分

起科亦同

一節年開荒竈地五十七頃一十七畝三釐五

毫

每畝照竈地起科

一雍正九年及乾隆三四兩年自首開荒民地

九頃九十二畝九分九釐九毫五忽

每畝起科閏銀並同

民地

一節年水草地一百一十一頃四十五畝三分

八釐九毫三絲四微

每畝一分起科

一節年御用監地二頃七十畝一分九釐五毫

每畝三分起科

每畝三分起科

一節年邊地一百四十三頃八十六畝三分二

釐七毫

每畝一分五釐一毫四絲三忽七微七纖起科

一節年河東邊地九頃五十四畝四分五釐四

毫一絲八忽

每畝一分三釐一毫二絲一忽三微二纖起科

一節年馬房駒子地七十八頃七十三畝二毫

每畝二分

七釐起科

一節年金盞地二十八頃一十八畝五分九毫

六絲六忽

每畝一分六釐五毫起科

一節年牧地四十六頃四十四畝

每畝一分三毫三絲起科

一節年工部地九十畝五分 每畝三分起科

一雍正二年乾隆七年宮地三十一畝五分一

釐七毫五絲 每畝二分三毫八絲九微起科

一節年馬厰地七百二十二頃五十五畝六分

二釐九毫九絲一忽三微四纖 每畝止四釐起科

一康熙三十年新入隱佔隸洵地九十七畝五

分 每畝三分起科

一乾隆元年五年開荒老民地五十九畝二分

二釐 每畝照民地起科又芝棉
胖衣及閏銀亦照民地

一乾隆五年詳議移歸香河縣寄糧地四十五

頃七十四畝六分五釐

每畝亦照民地起科閏銀同

一乾隆五六七等年開墾補民地二十五頃六

十三畝五分一釐四毫九絲四忽三微三纖三

沙四塵

每畝起科閏銀俱同上

以上共徵銀二千六百零四兩三錢六分八釐

七毫六絲四忽四微三纖九沙五塵六埃八渺

四漠五湖三虛九澄二清

通前民地竈地收地增地共四千八百一十五

頃七十九畝一分一釐四毫六微七纖三沙四
塵各則徵銀不等共徵正加銀七千六百四十
四兩二錢七分六釐六毫五絲五忽七微八纖
一沙六塵四埃二漠九湖三虛七澄五清每兩
均攤丁匠銀二錢七釐二絲六忽八微一纖九
沙二塵八埃二渺七漠三湖共均攤丁匠銀一
千五百八十二兩五錢七分二毫八絲一忽七
微六纖三沙六塵九埃七渺二漠八湖七虛四
澄九清七淨一逡一巡黑豆一百八十九石七

斗五升八合四勺七抄六撮一圭四粟九顆三粒八黍二稷六糠一粃八粍

附記寶邑額徵地畝緣士民輾轉售賣收除過割實徵糧冊屢爲更張重者悞輕輕者悞重有將竈地科則悞入民地項下徵糧者有將全駒等地悞入宮邊等項徵糧者以致核對奏額共溢地二十七頃五畝四分四釐八毫九絲共溢銀三百五十兩七錢五分四釐二毫五絲五忽零自乾隆元年冬署縣韓亦詩詳報各憲延至乾隆四年冬洪肇楙奉委署篆清查田賦隨將前項溢額地糧遵照奏冊全書款目逐一釐正按戶刪除

額外地

額外地餘地也按明時餘地最多今則入於

旗圈者什之二入於補民者什之七其所餘者亦僅耳然積年以來有隱匿而查出者有爭競而斷出者有已他撥而仍退出者通謂之額外亦視其地之差而定則焉以廣耕種之區以助輸將之用所謂聖王之世無曠土無游民者吾於額外見之矣

明季餘地共一萬二千一百七十一頃七十一畝八分四釐九絲五忽內除順治年間圈去地三千七十三頃三畝四釐八毫七絲撥補民地

七千四百三十頃七畝八分八釐七毫六絲五
忽除糧老荒地七百五十六頃七十九畝六分
八釐九絲康熙十二年蓋造營房去地七分及
雍正九年十年分歸寧河縣地六百五十頃六
十九畝五分七釐六毫九絲又乾隆二年開除
雍正四八兩年奉開青龍灣窩頭等河用地一
十九頃二十畝一分二釐三毫八絲七忽乾隆
九年實存地二百四十一頃九十畝八分二釐
二毫九絲三忽數見下

原邊地十八頃九十九畝二分二釐一毫一絲

八忽

每畝一分五釐一毫四絲三忽七微七纖起科

原駒子地八十八頃一十畝五分五釐一毫七

絲五忽

每畝二分七釐起科

原金蓋地九十四頃四十一畝九分一釐

每畝一分

六釐五

毫起科

原牧地四十頃三十九畝一分四釐

每畝一分三毫三絲

起科

以上共徵銀四百六十四兩一錢六分二釐九

絲七忽一微七纖九沙四埃八渺六漠

退出斷出開荒等項共地一千五十九頃四十
一畝五分三釐內除順治康熙年間圈去地五
百八十五頃五十畝撥給香河縣地一百五頃
及雍正十年分歸寧河縣地三頃六十七畝二
分又乾隆二年開除雍正四年奉開窩頭等河
用地一頃二十三畝六分五釐九毫六絲六忽
乾隆九年實存地三百六十四頃六分七釐三
絲四忽數見下

順治八年英王退圈地三頃四十一畝

每畝起科及黑

豆俱照

民地

順治九年十年退圈民地三百五十五頃一十

六畝八分七釐三絲四忽

起科同上

順治十七年香河縣退回御用監地五頃四十

二畝八分

每畝三分起科

共徵銀七百五十四兩九錢二分七釐四毫三

絲一忽九微八纖六沙二塵二埃四渺七漠三

湖八虛三澄四清黑豆三石九升七合四勺九

抄七撮六圭四粟二顆八粒

順治十三年十六年查出叛產工部開荒葺地

共八十頃二十二畝八分

每畝三分起科

共徵銀二百四十兩六錢八分四釐

康熙十六年後開荒籽粒地五十頃一十二畝

五分內除雍正九年分歸寧河縣地十三頃四

十五畝三分乾隆九年實存地三十六頃六十

七畝二分

每畝徵高糧一倉升

共徵籽粒高糧三十六石六斗七升二合

退出開荒查出共地一百九十一頃三十九畝
五分內除康熙十二年蓋造營房去地九畝又
康熙年間復圈去地六十四頃八十七畝又未
墾荒地十七頃三十一畝及乾隆二年開除雍
正四年奉開窩頭等河用地五十六畝七分一
釐四毫四絲四忽乾隆九年實存地一百八頃
五十五畝七分八釐五毫五絲六忽數見下

康熙十一年民地六十五畝

每畝起科芝棉胖
衣銀及黑豆閏銀

俱照
民地

康熙元年至二十三年荒民地一百四頃七分

八釐五毫五絲六忽

起科同上

康熙六年荒民地三頃一十五畝

照民地起科閏銀同

康熙十年竈地七十五畝

每畝起科及黑豆俱照竈地

以上共徵銀二百二十二兩六錢九分八釐四

毫三絲二忽五微五纖七沙三塵一埃九渺六

漠一湖七虛五澄六清黑豆一石二斗七升一

合六勺九抄九撮九圭一粟二顆

康熙二十七年永清左衛地一頃五十九畝七

分 每畝一分
五釐起科

徵銀二兩三錢九分五釐五毫

旗退輪租共地一百四十五頃二十五畝七分

一釐五毫內除康熙五十五十二五十六年及

雍正二年十一年復闢去地六十九頃一十三

畝一分及乾隆四五兩年補各旗人挖河地一

十九頃六十九畝八分五釐八絲九忽又五年

詳明歸入另案奏銷項下地一頃二十畝乾隆

九年實存地五十五頃二十二畝七分六釐四

毫一絲一忽

共徵租銀一百二十九兩二錢九分四釐九毫
五絲三忽九微二纖六沙一塵五埃四渺籽粒
高糧七石六斗四升例不攤徵丁匠

額外通共地八百八十八頃一十九畝七分五
釐六毫一絲八忽三微各徵糧租不等共徵銀
一千八百一十四兩一錢六分二釐四毫一絲
五忽六微四纖八沙七塵四埃六渺九漠五湖
五虛九澄內除旗退租銀例不攤徵丁匠外每

兩均攤丁匠銀二錢七釐二絲六忽八微一纖
九沙二塵八埃二渺七漠三湖共均攤丁匠銀
三百四十八兩八錢一分二釐七毫五絲一忽
五微一纖三沙三塵九埃五渺二漠五湖七虛
五澄四清四淨六逡一巡黑豆四石三斗六升
九合一勺九抄七撮五圭五粟四顆八粒籽粒
高糧四十四石三斗一升二合

通額內額外共地五千七百零三頃九十八畝
八分七釐一絲八忽九微七纖三沙四塵各則

徵銀不等共徵正加銀并均攤丁匠銀一萬一
千三百八十九兩八錢二分二釐一毫四忽七
微七沙四塵七埃九渺七漠九湖四虛六澄四
清六淨七遂二巡遇閩共徵地丁閩銀三百七
十兩五錢六分三釐二毫六絲五忽四微五纖
四沙一塵二埃八漠三虛六清八淨七遂八巡
八稔六庾黑豆一百九十四石一斗二升七合
六勺七抄三撮七圭四顆一粒八黍二稷六糠
一糝八粳籽粒高糧四十四石三斗一升二合

附 藉田

雍正七年奉

詔特設每歲戊日祭

先農壇畢縣令率農官耕藉田如古大夫禮其田
四畝九分視年歲之豐歉定收穫之多寡別貯
以供粢盛

附 學田

原額學田四十七頃二十八畝二分內學院田
一頃二十一畝徵銀八兩六分六釐穀一十二

石二斗七升六合儒學田四十三頃三畝三分
除年久迷失三十七頃六十三畝九分現存五
頃三十九畝四分徵銀九兩二錢七分二釐四
毫又康熙十一二十三十四等年開荒地三
頃三畝九分徵銀五兩七釐六毫八絲共地九
頃六十四畝三分徵銀二十二兩三錢四分六
釐八絲穀一十二石二斗七升六合由藩庫奏
銷

按

至聖開教化之原

卷之三

職役

三

先農爲稼穡之祖典制之大者也學田耕田雖不入賦役而一以造士一以勸農可不記歟故附諸田壤之後

支解

地之稅定以兩丁之等區以三經費於是乎出力役於是乎資就中有起運有存留大約各居其半如寶坻起運額銀六千一百二十八兩七錢一分九釐七毫七忽六微因向來地丁圈投錢糧缺額無憑徵解所有各部寺監局項下名目止於歲內奏銷不備錄外其存留項共銀六

千零九十四兩四錢一分七釐八毫三絲經節
年裁扣省至三千九百五十八兩三錢九分零
凡以紓民力養官廉不欲多冗費以糜正供也
是以攤丁於地損上益下而不虞其詘書曰
底慎財賦其此之謂乎爲合原數及所裁額列
於左

修理

龍亭儀仗銀一兩

康熙十七年
裁銀五錢

修理

文廟銀一十兩

直隸撫院皂隸十六名工食銀一百七十二兩

八錢

節年
全裁

通薊道心紅紙張銀五十兩

康熙九年裁

桌圍銀五十兩

節年
全裁

吏書十六名工食銀一百九十二兩

節年
全裁

本府府尹柴薪銀五十兩

康熙元年裁

本府儒學齋夫二名工食銀二十四兩

本府滿洲儒學齋夫二名工食銀二十四兩

東路捕盜同知俸銀八十兩新增

門子二名工食銀十二兩遇閏加銀一兩

皂隸十二名工食銀七十二兩遇閏加銀六兩

轎傘扇夫七名工食銀四十二兩遇閏加銀三

兩五錢

燈夫二名工食銀十二兩雍正五年裁

本縣知縣俸薪銀六十三兩四錢九分順治十三年裁

銀十八兩四錢九分

心紅紙張油燭等銀三十兩節年全裁

修宅傢伙銀二十兩

順治九年裁

迎送上司傘扇銀十兩

節年全裁

吏書十二名工食銀一百二十九兩六錢

節年全裁

門子二名工食銀十四兩四錢

順治九年裁銀二兩四錢

皂隸十六名工食銀一百一十五兩二錢

順治九年

裁銀十九兩二錢

件作二名工食銀一十二兩

從皂隸項下改支

民壯五十名工食銀三百六十兩

順治九年裁銀六十兩

馬快八名工食喂馬草料銀一百四十四兩

順治

九年裁銀
九兩六錢

燈夫四名工食銀二十八兩八錢
節年全裁

看監禁子八名工食銀五十七兩六錢
順治九年裁銀

九兩
六錢

修理監倉銀二十兩
節年全裁

轎傘房等七名工食銀五十兩零四錢
順治九年裁銀

八兩
四錢

庫書一名工食銀十二兩
節年全裁

倉書一名工食銀十二兩
節年全裁

庫子四名工食銀二十八兩八錢

順治九年裁銀四兩八錢

斗級四名工食銀二十八兩八錢

順治九年裁銀四兩八錢

主簿俸薪銀四十八兩二錢零二釐

順治十三年裁銀十

五兩九

分九釐

書辦一名工食銀七兩二錢

節年全裁

門子一名工食銀七兩二錢

順治九年裁銀一兩二錢

皂隸四名工食銀二十八兩八錢

順治九年裁銀四兩八錢

馬夫一名工食銀七兩二錢

順治九年裁銀一兩二錢

典史俸銀三十一兩五錢二分

書辦一名工食銀七兩二錢節年全裁

門子一名工食銀七兩二錢順治九年裁銀一兩二錢

皂隸四名工食銀二十八兩八錢順治九年裁銀四兩八錢

馬夫一名工食銀七兩二錢順治九年裁銀一兩二錢

本縣儒學教諭俸銀四十兩

訓導俸銀四十兩

學書一名工食銀七兩二錢康熙元年裁

門斗五名工食銀三十六兩康熙三年裁二名減銀十四兩四錢

齋夫六名工食銀七十二兩康熙三年裁三名減銀三十六兩

教官喂馬草料銀二十四兩節年全裁

廩生二十名支糧銀一百九十二兩順治十三年裁三分

之二

膳夫二名工食銀四十兩順治十三年裁三分之二

本縣蘆臺巡檢俸銀三十一兩五錢二分雍正十二年

年改隸寧河縣

書辦一名工食銀七兩二錢節年全裁

皂隸二名工食銀十四兩四錢順治九年裁銀二兩四錢於雍

正十二年改

隸寧河縣

弓兵八名工食銀五十七兩六錢
節年裁銀三十三兩六錢

雍正十二年
改隸寧河縣

椿草銀九十一兩
康熙三十九年裁

柳栽銀二十六兩
康熙三十九年裁

代興營二衛河夫銀十八兩
康熙三十九年裁

祭札雜支

學院科歲二考并季考生員試卷花紅銀六十

兩
節年全裁

文廟崇聖名宦鄉賢春秋大祭銀四十兩

關帝廟祭祀銀四十兩

社稷山川風雲雷雨城隍馬神八蜡等神春秋大

祭銀三十兩

三小祭無祀鬼神銀十兩

春牛芒神門神桃符酒席等銀五兩

節年全裁

時憲書銀三兩

朔望行香紙燭銀一兩

賢良祠廟戶一名工食銀六兩

乾隆六年裁

昭忠寺廟戶一名工食銀六兩

乾隆六年裁

先農壇農夫二名工食銀十二兩閏銀一兩

鄉飲酒席銀一十二兩

修理察院公館傢伙等銀十兩
順治九年裁

看守察院門子二名工食銀一十二兩
雍正十年裁

方澤壇壇戶五名工食銀三十兩
乾隆六年裁

神樂觀庫夫二名工食銀十二兩
節年全裁

帝王廟廟戶一名工食銀六兩
乾隆六年裁

祈穀壇壇戶四名工食銀二十五兩四錢四分
新增

地壇壇戶一名工食銀六兩三錢六分
新增

地壇齋宮夫一名工食銀六兩三錢六分

新

犧牲所所夫一名工食銀六兩三錢六分

新

舖兵十名工食銀六十兩

新開闢夫一名工食銀十二兩

慶豐開闢夫五名工食銀六十兩

廣源開闢夫二名工食銀十兩

康熙元年裁

挑挖河夫銀一百十九兩四錢

康熙三十九年裁

河西務堤夫一百三十名工食銀九百三十六

兩

康熙三十九年裁

雜支供應過往上司下程坐飯中伙燭炭等銀

三百兩

節年
全裁

走遞馬匹草料喂馬夫車夫工食銀五百兩

節年

裁銀三百三
十四兩四錢

閏銀十三兩八錢

損轎夫工食銀一百四十兩

節年
全裁

接遞皂隸十名工食銀六十兩

節年
全裁

吹鼓手四名工食銀二十八兩八錢

順治九年
裁銀四兩

八
錢

火夫十名工食銀四十八兩

更夫五名工食銀二十四兩

孤貧冬衣花銀十二兩

孤貧口糧銀八十六兩四錢

考貢生員盤費花紅旗匾銀四十兩
節年裁銀三十五兩

三錢九分四釐五毫○
二年一辦每年各半

朝覲盤費銀五十五兩
順治十三年裁

朝覲紙張銀六兩
順治十三年裁

科舉生員賓興盤費花紅卷資酒席銀六十兩

節年
全裁

鄉試生員對讀十六名盤費等銀三十二兩節年

全裁

會試膳錄書手工食銀八兩四錢節年裁銀七兩

科場牲口紙張銀三十九兩三錢節年全裁

狀元歸第銀十兩

會試舉人每名盤費銀十兩

新中舉人牌坊銀每名八十兩

新中進士牌坊銀每名一百兩

新中武舉花紅旗匾銀每名十兩

新中武進士花紅旗匾銀每名二十兩

武場公費銀七兩五錢

自朝覲至此俱三年一辦每年辦三之一

以上正閏共銀六千零九十四兩四錢一分七

釐八毫三絲

節年共裁扣銀三千九百五十八兩三錢九分

九釐六毫八絲

附積貯

常平倉現貯穀二萬零九百二十一石四斗一升六合二抄六撮米五百九十一石四斗三升

四合五勺五抄九撮五圭

社倉現貯穀二十七石一斗一升九合四勺高糧一百六十四石九斗七升

按周官委積所以備緩急濟凶荒也邑中有古社倉久廢前令廖翼重建繼又奉文立常平倉境中始有積貯之所乾隆八年後知縣洪肇楸每於青黃不接之時出陳減糶按照牌戶酌量多寡以補民食俟秋成後如數收還不增合勺是亦存留中之一也故附記於後他如集鎮牙稅舊無定額儘徵儘解不另贅

鹽課

邑戶口則有竈丁田壤則有竈地竈者鹽之所

從出也海濱廣斥鹽利用饒非所以給公私佐
賦役哉始自後唐衍於遼盛於金元復增寶坻
二鹽場明制三大使理其事隸滄州運司正統
中有常股存積折色諸款後僅存空名而餘鹽
割沒倍增其數戚畹中貴胥得脅監臨制有司
鹽政之敝極矣我

朝定引給商除諸陋弊嚴包納禁私販清場灘定
經界故引數遞增而不患壅滯者由均輸之道
得也起

國初及分縣後引數備列之并附考歷代鹽制知前志之鯁鯁過慮者未達國體云

鹽產於邑東南境蘆臺鎮等處有場焉昔人所稱蘆臺玉砂者是元時增立三岔豐財二場明仍之後以三岔併入豐財而豐財亦歸滄州實仍蘆臺一場耳近雖分入寧河然戶籍固在境也故論鹽課者必詳蘆臺場○場距運司分司一百四十里南界大海北連縣治東至斗沽接越支場界西跨夾河之側廣一百二十里戶籍

具在本邑○**戶**原額一百一十二戶今實在一百一十八戶○**丁**原額三百九十三丁今實在一百一十八戶○**地**原額五百三十七頃六十四畝五分八釐五毫新增二頃四十畝○**灘**原額二百二十二副半○**鍋**原額三十一面○**草**

蕩地無○**引**順治元年十二月初議派三千六百引稅銀二千三百兩令該商比照引數納銀不許仍前包納以累小民十三年查出蘆臺欺隱地造冊另解續定引額三千零七十一道康

熙十四年十六年後歷增引二千七百六十道
共引五千八百三十一道雍正三年丈清蘆臺
場竈地并查明竈丁姓名註籍九年分設寧河
縣引額仍附寶坻疏銷十年新加鹽引四千九
百道十三年閏四月乃奉文分歸寧河縣額引
七百三十八道續增引六百六十三道新加引
一千一百七十八道共引二千五百七十九道
現今寶坻自雍正十三年起每年原額引二千
三百三十三道續增引二千零九十七道新加

引三千七百二十二道共引八千一百五十二

道俱係商人王至德承領辦課行鹽按年疏銷

附考

後唐同光三年趙德鈞鎮蘆臺軍因蘆臺鹵地

置鹽場又舟行運鹽東去京國一百八十里相

地置榷鹽院謂之新倉

本五代史

後晉高祖以遼主有援立德舉燕雲十六州歸

之遼遂改爲燕京因置新倉鎮廣榷鹽以補用

度

參遼史

金滅遼以地屬京圻生齒旣繁炊鍋益衆設提

舉司於寶坻秩視五品以重其選所轄諸場越
支課居其半特除管勾一員以蒞之大定二十
一年參知政事梁肅言寶坻旁縣多缺食可以

粟易鹽以延議寢

見金史
鹽法志

元至元二年詔以大中大夫禮部侍郎倪德政

為中都路轉運使提領稅司事荅木丁同知使

事寶坻鹽使崔岩臣副之凡場戶入鹽即給仍

純支寶鈔不折諸物是年增寶坻二鹽場竈戶

工本每引為中統鈔三兩與清滄等

見元史
鹽法志

明洪武初派場規則為三上則十場蘆臺豐財

居其二

見畿輔通志

寶坻境內有蘆臺

舊有

三岔豐財

元增

三場各置大

使以理其事隸於滄州運司編竈戶一百三十

六歲煎白鹽一千八百劬貢上黑鹽一百四萬

劬給商

見明嘉靖中唐公鍊縣志貢課

正統五年定常股存積分數八分為常股聽商

支價輕須挨次行支二分為存積價重不分次

第八年令長蘆每引連包索二百五十劬所帶

餘鹽亦准二百十觔卽令輸價

見明史
鹽法志

嘉靖中屢議餘鹽包索計觔折色有差會嚴嵩

專政遣鄉人鄢懋卿巡鹽天下騷然

參畿
輔志

隆慶元年御史劉條上言長蘆引目壅滯皆由
私販過多其以啖馬爲名者由青縣寶坻一帶
而來皆權貴爲之也合行查治

萬歷二十一年御史姚思仁因解額虧欠奏增
割沒鹽觔又請於直沽河口設置船索攔江詔

從之

並見畿
輔通志

以上皆歷代寶坻鹽政也
餘非關利弊之大者不書

附
驛站

驛有極衝稍衝僻遞之分寶坻乃僻遞也向設
遞馬十一匹奉文撥赴懷安縣安站協濟雍正
八年將協濟并在槽馬共裁三匹繳價藩庫現
存馬八匹夫四名共銀一百八十四兩五絲遇
閏按月加增知縣掌之
論曰天造草昧黎民懼焉及臻厥成天下晏如
也吾於禹貢見之矣灑沉贍災而三壤平焉九

賦成焉自然美利不遺於海濱斥鹵之區嗚呼
自非數聖相承何以彌天地之缺陷乃爾乎恭
惟

聖朝承前明之大弊而轉耗爲豐易衰爲盛信乎唐
虞以來一大治矣觀於補地攤丁減滋生之賦
裁力役之征上下一體農末交資百年旋斡豈
易也哉牧民者當如何仰副也催科耶筦權耶
抑其末焉者耳

賦役卷之五終